



## Sud Bosne i Hercegovine

## Суд Босне и Херцеговине

Broj: Su-08-07/20

Datum: 08.01.2020. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05, 60/11 i 25/17) na preporuku Stalne komisije za javne nabavke Suda BiH broj: Su-08-03/20 od 08.01.2020. godine u postupku javne nabavke usluge održavanje sistema unutrašnje kontrole za LOT 3 - održavanje PPZ aparata i hidrantske mreže i rezervni dijelovi – 50610000-4, donosim,

**ODLUKU**

o izboru najpovoljnijeg ponuđača za nabavku usluge  
LOT 3 - održavanje PPZ aparata i hidrantske mreže i rezervni dijelovi

**član 1.**

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-03/20 od 08.01.2020. godine i Ugovor za javnu nabavku usluge **LOT 3 - održavanje PPZ aparata i hidrantske mreže i rezervni dijelovi** - oznaka i naziv iz JRJN: 50610000-4 (usluge popravka i održavanja sigurnosne opreme), dodjeljuje se ponuđaču **„VATROSISTEMI“** d.o.o. Sarajevo, sa sjedištem na adresi Safeta Zajke 115, za ponudu broj: 1269-K-12-2019 od 23.12.2019. godine i ponudenu cijenu od **2.565,00 KM** bez PDV-a.

**član 2.**

Ugovor o nabavci dostaviti će se na potpis izabranom ponuđaču „VATROSISTEMI“ d.o.o. Sarajevo po proteku roka od 10 dana računajući od dana kada su svi ponuđači obavješteni o izboru najpovoljnije ponude.

**član 3.**

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

**član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke usluge održavanje sistema unutrašnje kontrole i rezervnih dijelova po lotovima broj: Su-08-254/19 od 02.12.2019. godine. Javna nabavka je provedena putem Konkurentskog zahtjeva za dostavu ponuda broj: Su-08-272/19, a procijenjena vrijednost javne nabavke za LOT 3 - održavanje PPZ aparata i hidrantske mreže i rezervni dijelovi, je 2.600,00 KM bez PDV-a. Obavještenje o nabavci objavljeno je na portalu javnih nabavki pod brojem 243-7-2-29-3-35/19 od 16.12.2019. godine sa tenderskom dokumentacijom.

Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge LOT3 - održavanje PPZ aparata i hidrantske mreže i rezervni dijelovi. Komisija je blagovremeno i pravilno izvršila javno otvaranje ponuda dana 26.12.2019. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da su blagovremeno pristigle dvije (2) ponude ponuđača ("VATROSISTEMI" d.o.o. i "GRANULO-RE" d.o.o.), da nije bilo neblagovremeno zaprimljenih ponuda; da su obje pristigle ponude ponuđača ocijenjene prihvatljive u skladu sa tenderskom dokumentacijom. U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuda, shodno kriteriju najniža cijena.


Za ovaj postupak je predviđena e-aukcija koja je zakazana za 06.01.2020. godine sa početkom u 12.00 sati i završetkom u 12.30 sati. E-aukcija je počela dana 06.01.2020. godine u 12.00 sati i završila je u 12.30 sati. Ponuđači VATROSISTEMI d.o.o. i GRANULO-RE d.o.o. u toku e-aukcije nisu podnosili nove cijene (nove ponude). Nakon završetka e-aukcije, kreiran je izvještaj o toku i završetku e-aukcije (početna i konačna rang lista ponuđača) i ponude su rangirane kako slijedi: prvorangirana je ponuda ponuđača VATROSISTEMI d.o.o. sa ponudenom cijenom od 2.565,00 KM bez PDV-a, a drugorangirana je ponuda ponuđača GRANULO-RE d.o.o. sa ponudenom cijenom od 2.600,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač ponuđač "VATROSISTEMI" d.o.o. Sarajevo izabran primjenjujući kriterij najniže cijene koja je ponuđena u iznosu od **2.565,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.



**PREDSJEDNIK SUDA**  
**Ranko Debevec**